

На основи члена 62. пасус 1. точка 15) Закона о националних совитох националних меншинох („Службени гласник РС“, ч. 72/09, 20/14 - УС, 55/14 и 47/18),

Републична виберанкова комисија, на схадзки отриманей 5. септембра 2022. року, принесла

У П У Т С Т В О

ЗА ЗАПРОВАДЗОВАНЕ НЕПОШТРЕДНИХ ВИБЕРАНКОХ ЗА ЧЛЕНОХ НАЦИОНАЛНИХ СОВИТОХ НАЦИОНАЛНИХ МЕНШИНОХ*

I. УВОДНА ОДРЕДБА

Член 1.

Зоз тим упутством ше бліжей ушорює поступок запровадзованя непоштредних виберанкох за членох националних совитох националних меншинох (у дальшим тексту: виберанки).

II. ОРГАНИ И ЦЕЛА ЗА ЗАПРОВАДЗОВАНЕ ВИБЕРАНКОХ

Член 2.

Органи за запровадзоване виберанкох то Републична виберанкова комисија и виберацки одбори.

Републична виберанкова комисија

Член 3.

(1) Републична виберанкова комисија (у дальшим тексту: Комисија) окончує роботи хтори одредзени зоз Законом о националних совитох националних меншинох и зоз тим упутством.

(2) Комисија може овласциц svojого члена або заменїка члена (у дальшим тексту: координатор) же би у управним округу и городу Београду окончовал у мено Комисии даедни роботи хтори у вязи зоз организацию, пририхтованьом и запровадзованьом виберанкох, односно гласаня.

Роботни цела Комисии

Член 4.

(1) За даванє техничней помощи у организовању виберанкох, Комисија формує работни цела Комисии (у дальшим тексту: работни цела).

(2) Роботне цело ше формує за територию едней або вецей единкох локалней самоуправи, як и за територию едней або вецей городских општинах городу Београду.

(3) Роботни цела не органи за запровадзоване виберанкох, але виключно окончую роботи хтори предвидзени зоз тим упутством.

(4) Роботни цела:

* „Службени гласник РС“, число 100/22.

- 1) стараю ше о ушореню виберанкових местох;
- 2) примаю виберанкови материял од координаторох и придаваю го виберацким одбором пред гласаньом;
- 3) пребераю виберанкови материял од виберацких одборах после гласаня и придаваю го координатором;
- 4) даваю потримовку виберацким одбором у запровадзованю гласаня на дзень виберанкох;
- 5) окончую и други роботи у складзе зоз тим упутством и окременима актами Комисії.

Состав роботного zcela

Член 5.

(1) Роботне цело творя члени меновани на предклад начальніка општинскей/городскей управи односно начальніка општинского/городского орґана управи у чий компетенції виберанково роботи и начальніка орґана управи городскей општини городу Беоґраду (у дальшим тексту: начальнік управи) зоз шора особох зоз високим образованьом занятых у явним секторе (державни орґани, орґани територіяльной автономії и локальной самоуправи, установи, явни підприємства). При предкладаню кандидатох за членох роботних целох, предносц треба дац особом уписаним до окремених виберацких спискох национальных меншинох хтори маю високе образоване у обласци правних наукох и искусство у запровадзованю виберанкох.

(2) Кед ше роботне цело формуе за територію едней єдинки локальной самоуправи хтора ма до дзешец виберанково места, роботне цело ма трох членох.

(3) Кед ше роботне цело формуе за територію едней єдинки локальной самоуправи хтора ма од дзешец до 20 виберанково места, роботне цело ма пейцох членох.

(4) Кед ше роботне цело формуе за територію едней єдинки локальной самоуправи хтора ма вецей як 20 виберанково места, роботне цело ма седемцох членох.

(5) Кед ше роботне цело формуе за територію вецей єдинкох локальной самоуправи, односно вецей городских општинах городу Беоґраду, роботне цело ма тельо членох кельо єдинки локальной самоуправи, односно городски општини облапя, хторих ше менуе на предклад начальнікох управох каждой з облапених єдинкох локальной самоуправи односно городских општинах.

(6) До составу роботного zcela уходзи и начальнік управи.

(7) Кед ше роботне цело формуе за територію вецей єдинкох локальной самоуправи, односно вецей городских општинах городу Беоґраду, до составу роботного zcela уходза начальніки управох тих єдинкох локальной самоуправи, односно городских општинах.

(8) Кед же начальнік управи не у можлівосци оконцовац длужносци члена роботного zcela, до роботного zcela уходзи його заменік. Кед же ані заменік начальніка управи не у можлівосци оконцовац длужносци члена роботного zcela, начальнік управи до составу роботного zcela предложи особу заняту у општинскей/городскей управи хтора виполнюе условия зоз пасуса 1. того члена.

(9) Начальнік управи обезпечує условия за роботу роботного цела и координує його роботу.

(10) Роботу роботного цела формованого за територію вецей єдинкох локалней самоуправи, односно вецей городских општинах городу Беоґраду, координує начальнік управи єдинки локалней самоуправи, односно городской општини зоз найвекшим числом виберацох уписаних до окремих спискох виберацох националних меншинох.

Член 6.

Комисия з окремих актом утвердзує число, состав и подруче роботи роботних целох, найпознейше 30 дні пред дньом отримованя виберанкох.

Член 7.

(1) Предклади за менованє членох роботних целох, начальніки управох подноша Комисії у року од пейцох дньох од дня приношеня одлуки зоз члена 6. того упуства.

(2) Предклад за менованє у себе треба же би мал: мено и презвиско, єдинствене матичне число граждана (у дальшим тексту: ЄМЧГ), заніманє, место и адресу биваня, число мобилного телефона за контакт и адресу за приманє електронскей пошти.

(3) Координатор овласцени предложиц вимену предкладу начальніка управи за менованє члена роботного цела, при чим є длужен таки предклад обгрунтовац.

(4) Кед начальнік управи не предложи на час даякого члена роботного цела, Комисия за члена роботного цела менує особу одвитууюцу за окончованє тей длужносци.

(5) Комисия формує работни цела найпознейше 20 дні пред дньом отримованя виберанкох.

Состав виберацкого одбору

Член 8.

(1) Вибераци одбор твора председатель, штирме члени и їх заменіки, меновани на предклад начальніка управи.

(2) За председателя виберацкого одбору и заменіка председателя виберацкого одбору менує ше особи заняти у явним секторе (державни орґани, орґани територіялней автономії и локалней самоуправи, установи, явни подприємства).

(3) При предкладаню председательохла, заменікохла председательохла, членох и заменікохла членох виберацких одборохла, предносц треба дац особом уписаним до окремих спискох виберацохла националних меншинохла.

(4) При предкладаню председателя виберацкого одбору, предносц треба дац особи хтора ма високе образование и искусство у запровадзованю виберанкохла.

(5) При предкладаню особох до виберацких одборохла, начальніки управохла треба же би водзели рахунку о уровноваженей заступеносци полохла

и потреби уключиц особи зоз инвалидитетом до запровадзованя виберанкового поступку.

Член 9.

(1) Предсидательох, заменїкох предсидательох, членох и заменїкох членох виберацких одборох менує Комисия.

(2) Ришенє о формованю виберацких одборох и менованю предсидательох и членох виберацких одборох и їх заменїкох Комисия приноси найпознейше дзешец дні пред дньом отримованя виберанкох.

Член 10.

(1) Предклад за менованє особох до виберацких одборох начальніки управох доручую Комисії найпознейше 15 дні пред дньом отримованя виберанкох.

(2) У предкладу за менованє ше наводзи шлідуюци податки о предложених особох: мено и презвиско, ЄМЧГ, место и адресу биваня, число мобилного телефона и адресу за примане електронскей пошти.

(3) Координатор овласцени предложиц вименку предкладу начальніка управи за менованє особох до виберацких одборох, при чим є длужен таки предклад обгрунтовац.

(4) Кед начальнік управи не предложи на час даяку особу до виберацкого одбору, Комисия до виберацкого одбору менує особу одвитууюцу за окончованє длужносци у виберацким одборе.

Законски ограніченя

Член 11.

(1) Єдна особа може буц менована лєм до єдного орґану за запровадзованє виберанкох.

(2) До виберацкого одбору не може буц предложена односно менована особа хтора член национального совиту односно кандидат за члена национального совиту.

(3) При предкладаню менованя и замени особи у виберацким одборе, начальнік управи длужен мерковац на законски ограніченя у поглядзе членства у виберацким одборе.

Пременка особи у виберацким одборе

Член 12.

(1) Пременку особи менованей до виберацкого одбору, на предклад компетентного начальніка управи, окончує ше найпознейше три дні пред дньом отримованя виберанкох.

(2) Винїмково, предсидателя и заменїка предсидателя виберацкого одбору мож пременїц найпознейше по отверанє виберанкового места за гласанє кед же умру, похоря ше або страца виберанкове право.

(3) По придаванє виберанкового материялу роботним целом пременку особи у виберацким одборе окончує Комисия, а по придаваню координатор.

III. ПОДНОШЕНЄ ВИБЕРАНКОВЕЙ ЛІСТИНИ

Хто може поднєсц виберанкову лістину

Член 13.

Виберанкову лістину кандидатох за членох национального совиту (у дальшим тексту: виберанкова лістина) можу поднєсц: група виберачох уписаних до окремого списку виберачох националней меншини, здружене чийо цілі ше витворюю у обласци зашити правох националней меншини чий национални совет ше вибера и реґистрована политична странка националней меншини чий национални совет ше вибера (у дальшим тексту: предкладач виберанковой лістини).

Група виберачох як предкладач виберанковой лістини

Член 14.

(1) Групу виберачох формую найменей тройо вибераче уписани до окремого списку виберачох националней меншини чий национални совет ше вибера.

(2) Групу виберачох ше формує зоз писаним спорозумєньом овереним при орґану у чией компетенції оверйованє подписох у складзе зоз законом зоз хторим ше ушорює оверйованє подписох.

(3) У спорозумєню о формованю ґрупи виберачох обовязно наведзени:

1) цілі формованя ґрупи виберачох, односно навод же ше ґрупу виберачох формує пре участвованє на розписаних непоштредних виберанкох за членох национального совиту националней меншини;

2) податки о особох хтори ю формовали (мено и презвиско, ЄМЧГ и место и адреса биваня, наведзени спрам податкох зоз особней легитимациї);

3) особа хтора зоз шорох ґрупи виберачох одредзена заступац ґрупу виберачох;

4) назва ґрупи виберачох, хтора на початку муши мац ознаку „Група виберачох“;

5) назва виберанковой лістини хтору ше подноши (хтора облапя и ношителя виберанковой лістини, кед же є одредзени);

6) датум заключованя спорозумєня.

(4) Спорозумєнє о формованю ґрупи виберачох муши буц заключене и оверене по ступаню на моц одлуки о розписованю виберанкох, а пред початком збераня подписох виберачох за потримовку виберанковой лістини.

(5) Спорозумєнє о формованю ґрупи виберачох ше составя на сербским язичу, зоз кирилским писмом, а мож го составиц и на язичу и писме националней меншини, так же би у каждим члену спорозумєня бул наведзени перше текст на сербским язичу и кирилским писме, а под тим тот текст наведзени на язичу и писме националней меншини.

(6) Виберанкову лістину у мено ґрупи виберачох подноши особа одредзена заступац ґрупу виберачох або особа хтору вона за тото овласци, на формулару хтори предписує Комисия.

Здруженє як предкладач виберанковой лістини

Член 15.

Виберанкову лістину у мено здруженя подноши заступнік здруженя уписани до Регістру здруженьох, або особа хтору вон за тото овласци, на формулару хтори предписує Комисия.

Политична странка националней меншини як предкладач виберанковой лістини

Член 16.

Виберанкову лістину у мено политичней странки националней меншини подноши заступнік политичней странки уписани до Регістра политичних странкох або особа хтору вон за тото овласци, на формулару хтори предписує Комисия.

Положенє особи хтора овласцена за подношенє виберанковой лістини

Член 17.

Особа хтора овласцена поднесц виберанкову лістину, овласцена и у мено предкладача виберанковой лістини окончовац шицки други роботи у виберанкох, гибаль же предкладач виберанковой лістини иншак не одредзи и о тим у писаней форми обвисци Комисию.

Рок за подношенє виберанковой лістини

Член 18.

Виберанкову лістину ше подноши найпознейше 15 дні пред дньом отримованя виберанкох.

Способ и час подношеня виберанковой лістини

Член 19.

(1) Виберанкову лістину ше подноши непоштречно Комисії у будинку Народней скупштини у Београду, Уліца краля Милана 14.

(2) Виберанкову лістину мож поднесц кажди роботни дзень, у чаше од 9.00 по 17.00 годзин, окрем остатнього дня за подношенє виберанковой лістини, кед ю мож поднесц по 24.00 годзин. Подношенє виберанковой лістини треба наявиц дзень пред тим по 17.00 годзин, по електронскей пошти на адресу rik@parlament.rs.

(3) Винімково, виберанкову лістину мож поднесц и през викенд, а у тим случаю ше подношенє наявює пияток по 17.00 годзин, з тим же час подношеня одредзи председатель Комисії. При одредзованю часу подношеня виберанковой лістини обовязно ше почитує рядошлїд приявйованя подношеня виберанкових лістинох.

Змист виберанковой лістини

Член 20.

(1) Виберанкову лістину ше подноши на формулару хтори предписує Комисия, у писаней и електронскей форми (ЦД, ДВД або УСБ).

(2) Змист виберанковой лістини у писаней форми и виберанковой лістини у електронскей форми муши буц идентични.

(3) Вибранкова лістина ма у себе:

- 1) назву предкладача вибранковей лістини;
- 2) назву вибранковей лістини, хтора у себе може мац и мено и презвиско даякей особи (ношитель вибранковей лістини);
- 3) податки о шицких кандидатох за членох национального совиту (шорне число на вибранковей лістини, мено и презвиско, ЄМЧГ, занімане, место и адреса биваня кандидата);
- 4) мено, презвиско, ЄМЧГ, место и адресу биваня, число телефона, адресу за примане електронскей пошти и подпис особи хтора подноши вибранкову лістину.

(4) На вибранковей лістини ше муши находзиц голем една третина кандидатох од числа членох национального совиту хтори ше вибера, а найвещей тельо кандидатох кельо членох национального совиту ше вибера.

(5) Кандидат може буц лем гевта особа хтора уписана до окремого списку виберачох националней меншини чий национални совет ше вибера.

(6) Мено и презвиско кандидатох ше наводзи у вибранковей лістини по сербским правопису и зоз кирилским писмом, а мож их навесц и по правопису и на писму националней меншини, при чим рядошлїд одредзує предкладач вибранковей лістини.

(7) На вибранковей лістини спомедзи каждих трох кандидатох по рядошлїду на вибранковей лістини (перши три места, други три места и так по конец лістини) муши буц найменей по еден кандидат – припаднїк гевтого полу хтори меней заступени на вибранковей лістини.

(8) Кед вибранкова лістина не виполнює змистово условия з того члена, будзе ше тримац же ма у себе недотатки за преглашене.

Назва предкладача вибранковей лістини

Член 21.

(1) Кед вибранкову лістину подноши група виберачох, длужна є у вибранковей лістини и у шицких других вибранкових документох як назву предкладача навесц свою назву зоз спорозуменя о формованю групи виберачох. Назва групи виберачох муши на початку у себе мац ознаку „Група виберачох“ и не може мац у себе слова „странка“ або „здружене“ ані у єдним припадку, а тиж так ані назву реєстрованей политичней странки або реєстрованого здруженя.

(2) Кед вибранкову лістину подноши здружене, длужне є у вибранковей лістини свою назву як предкладача вибранковей лістини навесц спрам назви зоз акту о реєстрації здруженя.

(3) Кед вибранкову лістину подноши политична странка националней меншини, длужна є у вибранковей лістини свою назву як предкладача вибранковей лістини навесц спрам назви зоз акту о реєстрації политичней странки.

Назва виберанковей лістини

Член 22.

(1) Виберанкова лістина ма назву яку одредзує предкладач виберанковей лістини.

(2) Кед виберанкову лістину предклада ґрупа виберачох, назва виберанковей лістини у себе ма назву утвєрдену зоз спорозумєньом о формованю ґрупи виберачох. Назва виберанковей лістини ґрупи виберачох не може у себе мац слова „здруженє “ и „странка“ ані у єдним припадку, а тиж так ані назву реґістрованого здруженя або реґістрованей политичней странки.

(3) Кед виберанкову лістину предклада здруженє, назва виберанковей лістини може у себе мац назву здруженя, хтору ше наводзи спрам назви здруженя зоз акту о його реґістрації.

(4) Кед виберанкову лістину предклада политична странка националней меншини, назва виберанковей лістини муши у себе мац назву политичней странки зоз акту о ей реґістрації.

(5) Назва виберанковей лістини хтору предклада ґрупа виберачох або здруженє не може упутьовац на назву церкви и вирскей заєдніци.

(6) До назви виберанковей лістини мож укључиц и мєно и презвико єдней особи (ношитель виберанковей лістини), з ей писану согласносцу, дату на формулару хтори предписує Комисия.

(7) Винїмково од пасуса 6. того члена, будзе ше тримац же особа зоз тим же подписала виберанкову лістину, овласценє за подношенє виберанковей лістини або спорозумєнє о формованю ґрупи виберачох дала согласносц и же би ше ей мєно похасновало у назви виберанковей лістини.

(8) Назва виберанковей лістини може попри мєна ношителя виберанковей лістини у себе мац його назвиско або общєпознати псевдоним.

(9) Ношитель виберанковей лістини може, але не муши буц кандидат за члена национального совиту на тей виберанковей лістини.

(10) Иста особа не може буц ношитель двох виберанкових лістинох, ані не може буц ношитель єдней виберанковей лістини, а кандидат за члена национального совиту на другей виберанковей лістини.

(11) Назва виберанковей лістини не може у себе мац мєна историйних або видуманих особох.

(12) Назву виберанковей лістини ше наводзи на сєрбским язику и зоз кирилским писмом, а мож ю навєсц и на язику и писме националней меншини.

Документация хтору ше доручує з виберанкову лістину

Член 23.

(1) Ґу виберанковей лістини ше приклада шлїдуюцу документацию:

1) вияву каждого кандидата же прилапює кандидатуру за члена национального совиту, на формулару хтори предписує Комисия и на хторим

наведзени його мена, презвіско, ЄМЧГ, занімане, место и адреса биваня, оверену у явного новтаруша або у општинскей, односно городской управы, а у општинах, односно городоух дзе не меновани явни новтаруше и у основним суду, судскей єдинки або примацей канцеларіі основнаго суда;

2) согласносц ношителя виберанковей лістїны же би бул ношитель виберанковей лістїны, на формулару хтори предписує Комисия, а на хторим наведзени його мена, презвіско, ЄМЧГ, место и адреса биваня, кед же назва виберанковей лістїны у себе ма мена и презвіско тей физичней особи и кед же вона не подпїсала виберанкову лістїну, овласцене за подношене виберанковей лістїны або спорозумене о формованю ґрупи виберадох;

3) овласцене особи хтору предкладач овласцел же би поднесла виберанкову лістїну, на формулару хтори предписує Комисия, а на хторим наведзени мена, презвіско, ЄМЧГ, место и адреса биваня особи хтору ше овласцує, кед виберанкову лістїну не подноши заступнїк ґрупи виберадох, здруженя або политичней странки националней меншїны;

4) вияви виберадох же потрїмую виберанкову лістїну, на формулару хтори предписує Комисия и на хторим наведзени мена, презвіско, ЄМЧГ, место и адреса биваня за каждого виберача, оверени скорей вицеку рока за подношене виберанковей лістїны у явного новтаруша лебо у општинскей, односно городской управы, а у општинах, односно городоух дзе не меновани явни новтаруше и у основним суду, судскей єдинки або примацей канцеларіі основнаго суда;

5) список виберадох хтори потрїмую виберанкову лістїну, виробени у писаней и електронскей форми (ЦД, ДВД або УСБ), так же би список у обидвох формах бул ідентични, а хтори подпїсує особа хтора подноши виберанкову лістїну, на формулару хтори предписує Комисия, а на хторим наведзени презвіско и мена виберача, його ЄМЧГ и податки о оверїовачови хтори оверел подпїс на вияви;

6) оверене спорозумене о формованю ґрупи виберадох, кед виберанкову лістїну предклада ґрупа виберадох;

7) оверену копію статута здруженя дорученаго Аґенції за привредни реґїстри, кед виберанкову лістїну предклада здружене.

(2) Вияви виберадох же потрїмую виберанкову лістїну и список тих виберадох муша буц поскладани по азбучним шоре општини/городу на чїей території вияви оверени, а у рамїкох општини/городу муша буц поскладани по овласценїм оверїовачови.

(3) Формуларї за подношене виберанковей лістїны предписує Комисия з окреммим актом и обявює их у року од пейцох днѣох од приношеня одлуки о розпїсованю виберанкох.

Зберане подпїсох виберадох хтори потрїмую виберанкову лістїну

Член 24.

(1) Виберанкову лістїну зоз своїма подпїсами муши потрїмац найменей 1%, а не меней од 50 виберадох уписаних до окремнаго списку виберадох националней меншїны чїй национални совїт ше вибера.

(2) За утвѣрджоване найменшого числа подпїсох виберадох потрїбноґо за потрїмовку виберанковей лістїны, мїродавне рїшене

министерства у чий компетенції водзене окремого списку виберачох о дочасовим заключеню окремого списку виберачох. Комисия на своєї веб-презентації на час обявює інформацію о найменшим числє виявох виберачох необходимым за подношенє виберанковой лістини кандидатох за членох шицких националних совитох националних меншинох хтори ше вибера на непоштрєдних виберанкох.

(3) Виберач може зоз своїм подписом потримац виберанкову лістину лєм єдного предкладача.

(4) Оверена виява виберача же потримує виберанкову лістину полноважна и кед направени помилки при пополньованю формулара вияви, кед же зоз сигурносцу мож утвердзиц хторей виберанковой лістини дата потримовка и же вияву оверел компетентни орґан.

(5) Забранєне зберац подписи потримовки од виберачох на їх роботним месце або на виберача на гоч яки способ окончовац прицисок же би з подписом потримал виберанкову лістину.

(6) Комисия найпознейше седем дні пред дньом отримованя виберанкох на веб-презентації обявює за каждую прєглашену виберанкову лістину число оверених виявох виберачох хтори зоз своїм подписом потримали тоту виберанкову лістину по єдинкох локалней самоуправи, з податками о тим кельо вияви у рамикох каждой єдинки локалней самоуправи поєдинєчно оверел кажди з овласцєних оверйовачох (явни новтаруш, општинска односно городска управа або основни суд, судска єдинка або примаца канцелария основного суда).

Недостатки виберанковой лістини

Член 25.

(1) Кед Комисия утвердзи же виберанкова лістина не поднєшена на час, принєше ришенє о одруцованю виберанковой лістини.

(2) Кед Комисия утвердзи же виберанкова лістина у себе ма недостатки хтори онєможлївою прєглашенє виберанковой лістини, принєше, у року од 24 годзинох од приманя виберанковой лістини, заключєне зоз хторим ше предкладачови виберанковой лістини наклада же би, найпознейше у року од 48 годзинох од хвильки доручованя заключєня, одклонєл тоти недостатки. У заключєню ше предкладачови виберанковой лістини указує на способ одкланяня недостаткох.

(3) Кед Комисия утвердзи же виберанкова лістина у себе ма недостатки, односно кед утвердзи же недостатки не одклонєни, або су не одклонєни у предписаним року, принєше у шлїдуюцих 48 годзинох ришенє о одбиваню прєглашеня виберанковой лістини.

Прєглашенє виберанковой лістини

Член 26.

(1) Комисия прєглашує виберанкову лістину предкладача такой по приманю виберанковой лістини и провадзацей докумєнтації, а найпознейше у року од 24 годзинох од приманя виберанковой лістини.

(2) Ришенє о прєглашеню виберанковой лістини зоз пасуса 1. того члена Комисия доручує без одкладаня предкладачови.

(3) Предкладач преглашеней виберанковей лістини може поцагнуц виберанкову лістину найпознейше по дзень утвердзovanja збирней виберанковей лістини.

Застановйованє поступку вибераня членох национального совиту

Член 27.

(1) Кед ше за виберанки за членох одредзеного национального совиту не прияви ані єдна виберанкова лістина, кед ані єдна приявена виберанкова лістина не будзе преглашена або кед число кандидатох на преглашених вибранкових лістинох будзе менше од числа членох национального совиту хтори ше вибера, Комисия приноси ришенє о застановйованю поступка вибераня членох того национального совиту.

(2) Кед ришенє о застановйованю поступка вибераня членох национального совиту постане правомоцне, Комисия о нїм обвисцує министерство у чией компетенції людски и меншински права.

IV. ЗБИРНА ВИБЕРАНКОВА ЛІСТИНА

Член 28.

(1) Збирна виберанкова лістина за вибор каждого национального совиту окреме ма у себе шицки виберанково лістини, зоз особними менами шицких кандидатох и податками о року народзєня, занїманю и месце перебуваня.

(2) Рядошлїд вибранкових лістинох на збирней виберанковей лістини ше утвердзує по рядошлїду їх преглашованя.

(3) Комисия утвердзує збирни виберанково лістини кандидатох за членох каждого национального совиту окреме и обявює их у „Службеним гласніку Републики Сербии“, найпознейше дзешец дні пред дньом отримованя виберанкох.

(4) Комисия не утвердзи збирну виберанкову лістину кед число кандидатох на преглашених вибранкових лістинох будзе менше од числа членох национального совиту хтори ше вибера.

V. ВИБЕРАНКОВО МЕСТА

Компетенция за одредзованє виберанкових местох

Член 29.

(1) Комисия одредзує и оглашує у „Службеним гласніку Републики Сербии“ виберанково места на хторих ше будзе гласац на виберанкох, найпознейше 20 дні пред дньом отримованя виберанкох.

(2) Комисия одредзує виберанково места у сотрудицтве зоз општинским/городским органами управи, односно органами управи городских општинах городу Београду (у дальшим тексту: општински/городски управи).

Способ одредзования виберанкових местох

Член 30.

(1) Виберанкове место ше одредзуе за гласане найменей 100, а найвечей 2 500 виберачох.

(2) У винїмкових случайох, мож одредзиц виберанкове место и за гласане меней як 100 виберачох, кед же би, пре просторну оддаленосц або невігодне геогграфске положенє, виберачом гласане на другим виберанковим месце було значно очежане.

(3) Виберанкове место може облапяц територію єдней або вецей єдинкох локалней самоуправи, часц населеного места, єдно населене место або вецей населени места.

(4) За każde виберанкове место ше одредзуе: число виберанкового места, назву виберанкового места, адресу виберанкового места и подруче з хторого гласаю вибераче на тим виберанковим месце (општина, город, городска општина, улїца, хижне число, валал, валалчик, населене и под.).

Обекти у хторих ше находза виберанково места

Член 31.

(1) За виберанково места ше, по правилу, одредзуе просторії у явней власносци, а лем винїмково и просторії у приватней власносци.

(2) Предклад општинскей/городскей управи же би виберанкове место було у обекту у приватней власносци муши буц обгрунтовани.

(3) Виберанкове место не може буц у вирским обекту, у обекту хтори у власносци политичней странки або хтори хаснуе политична странка, як ані у обекту у власносци кадидата за члена национального совиту або члена його фамелії.

(4) Шицки обекти у хторих ше находза просторії одредзени як виберанково места, без огляду чи су у явней, чи у приватней власносци, подразумюе ше под час тирваня гласаня як обекти за явне хасноване у смислу закона хтори ушорюе рушане з помоцу пса водзача.

Поверхносц просторії за гласане

Член 32.

(1) Просторія хтору ше одредзуе за виберанкове место зоз меней як 1 000 виберачох треба же би мала поверхносц найменей 30 квадратни метери.

(2) Просторія хтору ше одредзуе за виберанкове место зоз 1 000 и вецей виберачох треба же би мала поверхносц найменей 50 квадратни метери.

Доступносц виберанкових местох

Член 33.

(1) При одредзованю виберанкового места, будзе ше водзиц рахунку о тим же би виберанкове место було доступне (фізично и комуникаційно).

(2) Доступносц подрозумює же би приступ до обекту у хторим ше находзи єдно або вецей виберанково места и пешацки преход були без препреченьох, же би було паркинґ место за особи з инвалидитетом, же би уход до обекту бул у ровні зоз дражку або же би исновал адекватни способ за звладованє препреченьох, же би дзвери на обекту оможлївовали незавадзани уход, же би було оможлївене рушанє у обекту у єдним уровню або же би исновала можлївосц незавадзаней вертикалней комуникації, як и же би були обезпечени форми информацийох и комуникацийох з виберачами.

(3) За виберанково места ше, вшадзи дзе то можлїве, одредзує просторії у приземю/партеру обекта у хторим ше находзи виберанкове место.

Ушорйованє виберанкових местох

Член 34.

(1) Роботне цело длужне у сотрудніцтве з општинску/городску управу на час обезпечиц же би простория за гласанє була ушорена на способ яки предписани зоз законом, правилами о работи виберацких одборох и тим упутством и отворена за гласанє.

(2) Простория за гласанє муши буц ушорена на способ яки оможлївює тайносц гласаня, у складзе зоз правилами о работи виберацких одборох.

(3) Виберанкове место муши буц ушорене так же би ше оможлївело приступ и незавадзане рушанє виберачох хтори особи зоз инвалидитетом.

(4) На виберанковим месце и 50 метери од виберанкового места забранєне викладац символи предкладачох виберанкових лістинох и другого виберанкового пропаґандного материялу.

(5) Виберацки одбор обезпечи особом хтори надпатраю, односно провадза роботу виберацкого одбору (представніком предкладачох преглашених виберанкових лістинох и припатрачох) одвитующе место одкадз можу провадзиц цек гласаня и утвєрдзованє резултатох гласаня.

VI. ОКРЕМНИ СПИСКИ ВИБЕРАЧОХ

Уписованє и пременки у окремним списку виберачох

Член 35.

(1) Општинска/городска управа у чией компетенції ажурованє часци окремого списку виберачох одредзеной националней меншини, окончує уписованє виберачох хтори не уписани до окремого списку виберачох, як и пременку податкох у окремним списку виберачох, аж по його заключенє, односно найпознейше 15 дні пред дньом отримованя виберанкох.

(2) Од заключения окремних спискох виберачох националних меншинох (у дальшим тексту: список виберачох), та по 72 годзини пред дньом отримованя виберанкох, уписованє виберачох хтори не уписани до списку виберачох и пременки у списку виберачох окончує министерство у чией компетенції водзене списку виберачох.

Заклучене списку виберачох и обявйоване вкупного числа виберачох

Член 36.

(1) Министерство у чиєй компетенції водзене списку виберачох з рішеньом заклучує список виберачох 15 дні пред дньом отримованя виберанкох и у рішеню утвердзує вкупне число виберачох за каждую националну меншину, як и число виберачох по виберанкових местох, и то вкупно за każde виберанкове место и ґруповане по националних меншинох.

(2) Рішенє о заклученю списку виберачох министерство у чиєй компетенції водзене списку виберачох обявує у „Службеним гласніку Републики Сербії“ у року од 24 годзинох од його приношеня и доручує го Комисії.

Доручоване виводу зоз списку виберачох

Член 37.

Министерство у чиєй компетенції водзене списку виберачох составя оверени виводи зоз списку виберачох за każde виберанкове место и каждую националну меншину и доручує их Комисії у року од 48 годзинох од заклученя списку виберачох.

Доручоване рішення о додатних пременкох у списку виберачох

Член 38.

Министерство у чиєй компетенції водзене списку виберачох доручує Комисії шицки рішення на хторих засновани пременки у списку виберачох, хтори принєсло од заклученя списку виберачох по 72 годзини пред дньом отримованя виберанкох.

Уношенє податкох зоз рішення о додатних пременкох у списку виберачох

Член 39.

(1) Комисия, на основи рішеньох министерства у чиєй компетенції водзене списку виберачох на хторих засновани пременки у списку виберачох, уноши вименки до виводох зоз списку виберачох, беруци до огляду лєм гевти рішення хтори прияла найменей 48 годзини пред дньом отримованя виберанкох.

(2) Упис пременкох до виводу зоз списку виберачох уноши ше по податкох з рішеньох на хторих засновани пременки у списку виберачох, починаючи од шорного числа 1, на концу вивода зоз списку виберачох, на окременим боку, под назву: „Додатни пременки”.

Утвердзоване и обявйоване конєчного числа виберачох

Член 40.

Комисия, такой по уношеню пременкох зоз члена 38. того упутства, утвердзує и обявує у „Службеним гласніку Републики Сербії“ конєчне число виберачох за каждую националну меншину, як и число виберачох по виберанкових местох, и то вкупне за każde виберанкове место и ґруповане по националних меншинох.

VII. ОБВИСЦЕНЕ О ДНЮ И ЧАСУ ОТРИМОВАНИЯ ВИБЕРАНКОХ

Член 41.

(1) Доручоване обвисценьох виберачом о дню и часу отримованя виберанкох, зоз числом и адресу виберанкового места на хторим виберач гласа и числом под хторим є уписани до виводу зоз списку виберачох, окончує општинска/городска управа.

(2) Доручоване обвисценя зоз пасуса 1. того члена окончує ше найпознейше пейц дні пред дньом отримованя виберанкох.

VIII. СТАНДАРДИ ЗА ВИБЕРАНКОВИ МАТЕРИЯЛ

Друковане виберанкового материялу

Член 42.

(1) Гласацки лістки и други виберанкови материял за запровадзоване виберанкох друкує ше у друкарні Явного підприємства „Службени гласнік“.

(2) Гласацки лістки за виберанки ше друкує на паперу хтори захицени з водовим печатом.

(3) Комисия з одлуку утвердзує фарбу гласацкогo лістка и фарбу контролногo ліста за проверйоване исправносци гласацкей шкатули и обявює ю у "Службеним гласніку Републики Сербії".

(4) Гласацки лістки и контролни ліст за проверйоване исправносци гласацкей шкатули не могу буц истей фарби.

Гласацки лістки

Член 43.

(1) Число гласацких лісткох хтори ше друкує муши буц еднаке числу виберачох хтори уписани до списку виберачох за каждую националну меншину чий национални совет ше вибера.

(2) Комисия з одлуку утвердзує число гласацких лісткох хтори ше друкує, як и число резервних гласацких лісткох.

(3) Число резервних гласацких лісткох за кажди национални совет хтори ше вибера не може буц векше од 0,5% од вкупного числа виберачох каждей националней меншини, ані менше од 10, з тим же тото число може буц и векше, у складзе зоз конечним числом виберачох хторе утвердзи Комисия.

(4) Комисия з одлуку утвердзує форму и випатрунок гласацких лісткох, а состояйна часц одлуки и прикладніки гласацкогo лістка.

Хасноване языкох и писмох

Член 44.

(1) Текст формуларох за подношене виберанковой лістини, текст збирней виберанковой лістини, текст гласацкогo лістка, текст формулара записніка о работи виберацкогo одбору и текст увереня о виборе за члена

национального совету националней меншини друкуе ше на сербским языку и зоз кирилским писмом.

(2) Кед же язык и писмо националней меншини чий национални совет ше вибера у урядовим хаснованю у найменей едней єдинки локалней самоуправи, тексти материялох зоз пасуса 1. того члена ше друкуе двоязично, односно и на языку и писме националней меншини, и то так же ше текст на языку и писме националней меншини друкуе под текстом на сербским языку и кирилским писме, у истей форми и зоз исту велькосцу буквох.

Пририхованє за друкованє гласацких лісткох

Член 45.

(1) По приношеню одлуки о форми и випатрунку гласацких лісткох, Комисия прави прикладник гласацкого лістка хтори оверює председатель Комисии зоз своїм подписом и печачом Комисии.

(2) На основи овереного прикладника гласацкого лістка друкарня окончує пририхованє за друкованє гласацких лісткох.

(3) Перши прикладники гласацких лісткох ше такой на месце зніщує покля ше не видрукує гласацки лісток хтори виполнює потребни графични стандарди.

(4) Перши видруковани гласацки лісток хтори виполнює потребни графични стандарди поровнує зоз овереним прикладником гласацкого лістка председатель Комисии або особа хтору вон за тото овласци.

(5) Кед утвердзи же видруковани прикладник гласацкого лістка еднаки з овереним прикладником, председатель Комисии або особа хтору вон за тото овласци зоз своїм подписом одобрує друкованє гласацкого лістка у утвердзеним числу прикладников.

(6) Такой по законченю друкованя, у присустве найменей трох овласцених членох, односно заменікох членох Комисии хтори меновани на предклад розличних овласцених предклададох, зніщує ше шицки гласацки лістки хтори технични звишок, як и шицок материял хтори служел за пририхованє друкованя гласацких лісткох и о тим ше составя записник.

Надпатранє друкованя

Член 46.

(1) Друкованє гласацких лісткох надпатра Комисия.

(2) Комисия длужна оможливиц явносц друкованя гласацких лісткох.

(3) Представники предклададох виберанкових лістинох и акредитовани представники домашніх и странских припатрадох маю право буц присутни при друкованю, пречишльованю и пакованю гласацких лісткох и доручованю гласацких лісткох Комисии, роботним целом, односно виберацким одбором.

(4) Комисия длужна на час обвисциц предклададох виберанкових лістинох и домашніх и странских припатрадох о тим же їх представники маю право буц присутни при друкованю, пречишльованю,

пакованю и доручованю гласацких лісткох, як и о тим дзе ше одвиваю и кеди починаю тоті роботи.

(5) Овласцена особа предкладача виберанковой лістини доручує Комисії у писаней форми обвисцене о особох хтори буду присутни при друкованю, пречишльованю и пакованю гласацких лісткох, у хторим ше за каждую тоту особу наводзи мено и презвиско, число особней легітимації и число мобилного телефона.

(6) Представніки предкладачох виберанкових лістинох хтори присутни на придаваню гласацких лісткох Комисії и примопридаваню гласацких лісткох роботним целом, односно виберацким одбором, муша мац овласцене за присуствоване наведзеним роботом, у хторим наведзени мено и презвиско представніка, число особней легітимації и число мобилного телефона.

(7) Явне подприємство „Службени гласнік“ длужне водзиц евиденцию присуства представнікох предкладачох виберанкових лістинох и домашніх и странских припатрачох при друкованю, пречишльованю и пакованю гласацких лісткох.

Гласацка шкатула и паравани за обезпечоване тайносци гласаня

Член 47.

За гласане на виберанкох ше хаснує гласацку шкатулу и паравани за обезпечоване тайносци гласаня виробени по Упутстве о единствених стандардох за виберанкови материял („Службени гласнік РС“, число 19/22).

Спрей за означоване пальца виберача

Член 48.

Означоване пальца виберача як знак же виберач гласал окончує ше зоз спреєм зоз специялней нерозпущуюцей УВ тинти хтору видно под окремну шветлосцу УВ лампи.

ІХ. ПРИДАВАНЕ ВИБЕРАНКОВОГО МАТЕРИЯЛУ ВИБЕРАЦКИМ ОДБОРОМ ПРЕД ГЛАСАНЬОМ

Виберанкови материял хтори обезпечує Комисия

Член 49.

(1) Комисия каждому виберацкому одбору обезпечує шлїдуюци виберанкови материял:

1) Збирну виберанкову лістину кандидатох за членох каждого национального совиту хтори ше вибера на виберанковим месце;

2) вивод зоз списку виберачох за гласане на виберанковим месце за кажды национални совет хтори ше вибера на виберанковим месце;

3) потребне число гласацких лісткох, яке одвитує числу виберачох хтори уписани до виводу зоз точки 2) того пасуса;

4) Контролни ліст за преверйоване исправносци гласацкей шкатули;

5) формулар Записніка о работи виберацкогo одбору на запровадзваню гласаня на виберанкох за членох каждого национального совиту хтори ше вибера на виберанковим месце (у дальшим тексту: записнік о работи виберацкогo одбору), у шейсцох прикладнікох;

6) формулар Контрольного формулара за лoгичко-рахункове складанє резултатох гласаня на виберанковим месце;

7) формулар Записніка о припатрацох на роботу виберацкогo одбору;

8) Народну заставу Републики Сербії;

9) формулари потвердзеньох о виберанковим праву за гласанє звонка виберанкового места;

10) ришенє о формованю виберацкогo одбору;

11) идентификаційни карточки за членох виберацких одборох;

12) формулар евиденції о присустве членох и заменїкох членох виберацкогo одбору на виберанковим месце, у двох прикладнікох;

13) список представнікох предкладацох виберанкових лістинох за надпатранє работи виберацких одборох;

14) список представнікох домашніх и странских припатрацох акредитованих за провадзене работи виберацких одборох;

15) ознаку виберанкового места, информативни постери за виберацох, приручнік и др;

16) гласацку шкатулу, ознаку гласацкей шкатули и два наліпки за печачованє гласацкей шкатули;

17) паравани за обезпечованє тайносци гласаня;

18) два спреї за означованє пальца виберача;

19) два УВ лампи;

20) мех за одкладанє виберанкового материялу, сигурносни заверачи за печачованє меха и наліпку за означованє меха;

21) коверти за пакованє гласацких лісткох и наліпки за печачованє ковертох.

(2) Кед же материял зоз пасуса 1. точка 9) того члена, хтори Комисия доручи роботному целу, не будзе достаточни, роботне цело го умножує у потребним числу прикладнікох.

(3) Материял зоз пасуса 1. точ. 13) и 14) того члена, роботне цело умножує у потребним числу прикладнікох.

Виберанкови материял хтори обезпечую општински/городски управи

Член 50.

(1) Општински/городски управи каждому виберацкому одбору на час обезпечую шлідуюци материял:

1) батерії за УВ лампи;

2) прибор за писанє (пенкала, маркер и др);

3) коверти за одкладанє гласацких лісткох и потвердзеньох о виберанковим праву за гласанє звонка виберанкового места, после гласаня;

4) други материял (ножнічки, селотейп, ґарантни порвазок, ленийку, папер за писанє и др).

(2) Општински/городски управи длужни на час обезпечиц простор за безпечне чуванє виберанкового материялу.

Придаванє виберанкового материялу по роботним целу

Член 51.

(1) Друковани виберанкови материял координатор пребера од Явного подприємства „Службени гласник“ и придава роботному целу найпознейше штири дні пред дньом отримованя виберанкох.

(2) Виберанкови материял зоз члена 49. того упутства, координатор роботному целу придава у шедзиску управного округа, а за город Београд у друкарні Явного подприємства „Службени гласник“.

(3) О оконченим примопридаваню зоз пасуса 2. того члена составя ше записник у трох прикладнікох на формулару хтори предписує Комисия.

(4) Роботне цело прияти материял, ведно з материялом зоз члена 50. того упутства, хтори обезпечела општинска/городска управа, придава виберацким одбором у шедзиску општини/города, найпознейше 48 godzini пред дньом отримованя виберанкох. О оконченим примопридаваню виберанкового материялу составя ше записник у трох прикладнікох на формулару хтори предписує Комисия.

(5) После придаваня виберанкового материялу виберацким одбором, виберанкови материял ше кладзе до меха за одкладанє виберанкового материялу, хтори ше у присустве членох роботного цела и виберацкого одбору печачує зоз сигурносним заверачом, чийо серийне число ше уписує до записніка о примопридаваню зоз пасуса 4. того члена.

(6) Пред печачованьом, мех зоз виберанковим материялом ше обовязно означує з наліпку на хторей наведзени назва городу/општини и шорне число виберанкового места.

(7) Мех з виберанковим материялом ше не шме отверац пред тим як ше виберацки одбор на дзень гласаня зидзе на виберанковим месце.

Окремни правила за пакованє и придаванє гласацких лісткох

Член 52.

(1) Кед на одредзеним виберанковим месце гласаю вецей як 100 вибераче єдней националней меншини, при примопридаваню виберанкового материялу, гласацки лістки за вибор членох национального совиту тей националней меншини треба же би були придати виберацкому одбору так же ше перше до окремних ковертох пакує по 100 гласацки лістки, а на концу до окремней коверти други гласацки лістки цо остали, а хторих єст меней як 100 (наприклад, кед на виберанковим месце уписани 436 вибераче єдней националней меншини, роботне цело до штирох ковертох кладзе по 100 гласацки лістки, а потим други 36 гласацки лістки цо остали кладзе до пятей коверти).

(2) У случаю зоз пасуса 1. того члена, шлицки коверти зоз гласацкими лістками треба же би були заварти и запечачовани з наліпку на

хторей наведзена назва націоналней меншини и на хтору ше уписує число гласацких лісткох у тей коверти и так ше их кладзе до меха за одкладане виберанкового материялу.

(3) Роботне цело треба же би виберацким одбором наглашело:

1) же ше при пририхтованю за початок гласаня на виберанковим месце, за гласанє виберацох націоналней меншини зоз вецей як 100 виберацох отвера лєм коверту у хторей ест меней як 100 гласацки лістки.

2) же ше коверту зоз 100 гласацкими лістками не шме отверац покля за гласанє не буду похасновани шицки гласацки лістки зоз першей отвореной коверти;

3) же ше шлідуюцу коверту зоз 100 гласацкими лістками отвера аж кед ше похаснує шицки 100 гласацки лістки зоз пред тим отвореной коверти зоз 100 гласацкими лістками;

4) же шицки коверти за хтори не було потреби отверац их под час запровадзованя гласаня, муша остац запечацовани и так буц придати роботному целу после гласаня.

(4) Коверти за пакованє гласацких лісткох и наліпки за печачованє ковертох обезпечує Комисия и роботним целом доручує з материялом зоз члена 49. того упутства.

Х. ПРИДАВАНЄ ВИБЕРАНКОВОГО МАТЕРИЯЛУ КОМИСИЇ ПОСЛЕ ГЛАСАНЯ

Придаванє виберанкового материялу по роботним целу

Член 53.

(1) Потим як утвердзи резултати гласаня на виберанковим месце, виберацки одбор без одкладаня придава роботному целу у будинку општини/городу, шлідуюци виберанкови материял:

1) перши прикладнік записніка о работи виберацкого одбору на запровадзованю гласаня и утвердзованю резултатох гласаня на виберанкох за членох каждого національного совиту хтори ше виберало на виберанковим месце,

2) формулар записніка о припатрацох на роботу виберацкого одбору;

3) вивод зоз списку виберацох по хторим ше гласало на виберанковим месце на виберанкох за членох каждого національного совиту;

4) коверту у хторей Контролни ліст за проверйоване исправносци гласацкей шкатули запечацовану з наліпку;

5) коверту до хторей положени непохасновани гласацки лістки за гласанє на виберанкох за членох каждого національного совиту хотри ше виберало на виберанковим месце окреме запечацовану з наліпку;

6) коверту до хторей положени неважаци гласацки лістки за гласанє на виберанкох за членох каждого національного совиту хтори ше виберало на виберанковим месце окреме запечацовану з наліпку;

7) коверту до хторей положени важаци гласацки лістки за гласанє на виберанкох за членох каждого національного совиту хтори ше виберало на виберанковим месце окреме запечацовану з наліпку;

8) коверту до хторей положени подписани потвердзєня о виберанковим праву за гласанє звонка виберанкового места за гласанє на виберанкох за членох каждого национального совиту окреме запечацовану з наліпку;

9) сигурносни заверач хтори ше хасновало за печачованє меха з виберанковим материялом при примопридаваню виберанкового материялу медзи роботним целом и виберацким одбором пред гласаньом;

10) єден прикладнік евиденції о присустве членох виберацкого одбору на виберанковим месце.

(2) Виберанкови материял придава председатель виберацкого одбору або його заменїк, а на примопридаваню можу буц присутни шицки члени виберацкого одбору.

(3) О примопридаваню зоз пасуса 1. того члена состава ше записнік у штирох прикладнікох, на формулару хтори предписує Комисия.

(4) При примопридаваню зоз пасуса 1. того члена, виберацки одбор придава општинскей/городскей управе материял цо остал (гласацку шкатулу, спреї за означованє пальца виберача, паравани за гласанє, УВ лампи, идентификаційни карточки членох виберацкого одбору, прибор за писанє и др.) и други прикладнік евиденції о присустве членох виберацкого одбору на виберанковим месце.

Поступанє зоз материялом придатим роботному целу и општинскей/городскей управе

Член 54.

(1) Потим як виберацки одбор прида виберанкови материял роботному целу и општинскей/городскей управе, материял зоз члена 53. пасус 1. точ. 4)-7) и точки 9) кладзе ше до меха за одкладанє виберанкового материялу, хтори ше у присустве членох роботного цела и членох виберацкого одбору хтори придали материял печачує зоз сигурносним заверачом, чийо серийне число ше уписує до записніка о примопридаваню зоз члена 53. пасус 3. того упутства.

(2) Пред печачованьом, мех ше обовязно означує зоз наліпку на хторей наведзени назва городу/општини и шорне число виберанкового места. Запечацовани мех мож отвориц лєм на основи одлуки Комисії, окрем у случаю зоз члена 55. пасус 5. того упутства.

(3) Записнік о роботы виберацкого одбору, записнік о припатрачох на роботу виберацкого одбору, вивод зоз списку виберачох и коверту зоз потвердзєнями о виберанковим праву за гласанє звонка виберанкового места не кладзе ше до меха зоз другим виберанковим материялом, алє их роботне цело пакує окреме од другого виберанкового материялу и так окреме их придава координаторови.

Член 55.

(1) По пребераню виберанкового материялу од шицких виберацких одборох, роботне цело тот материял такой придава координаторови у шедзиску управного округа.

(2) Роботни цела за город Београд виберанкови материял превжати од шицких виберацких одборох координаторови придаваю у будинку Народней скупштини у Београду, Уліца краля Милана 14.

(3) З виберанковим материялом превжати од виберацкогo одбору роботне цело координаторови придава и єден прикладнїк записнїка о примопридаваню виберанкового материялу после гласаня медзи виберацким одбором и роботним целом, як и єден прикладнїк евиденцийох о присустве членох виберацкогo одбору на виберанковим месце.

(4) О примопридаваню зоз пас. 1. и 2. того члена состава ше записнїк у трох прикладнїкох, на формулару хтори предписує Комисия.

(5) Координатор овласцени перевіриц змист запечатованого меха зоз виберанковим материялом хтори приял од роботного цела, у присустве роботного цела.

(6) Кед окончи перевірюване зоз пасуса 5. того члена, координатор, у присустве роботного цела, мех зоз виберанковим материялом печатує з новим сигурносним заверачом, чийо серийне число ше уписує до записнїка о примопридаваню зоз пасуса 4. того члена. Запечатовани мех мож ознова отвориц лем на основи одлуки Комисії.

XI. УТВЕРДЗОВАНЄ РЕЗУЛТАТОХ ВИБЕРАНКОХ

Контрола записнїка о роботы виберацкогo одбору

Член 56.

(1) При примопридаваню виберанкового материялу после гласаня представнїки виберацкогo одбору и роботного цела длужни окончиц контролю записнїка о роботы виберацкогo одбору и констатовац евентуални гришки у пополньованю записнїка, и о тим составиц звит.

(2) Кед же при контроли записнїка о роботы виберацкогo одбору окончовани увид до виберанкового материялу, до звиту о контроли записнїка о роботы виберацкогo одбору уноши ше фактични стан утвердзени з увидом до виберанкового материялу.

Поступанє зоз легкими гришками

Член 57.

(1) Кед у записнїку о роботы виберацкогo одбору єст очиглядни помилки у пополньованю того записнїка (легки гришки), Комисия на основи звиту о контроли записнїка о роботы виберацкогo одбору приноси ришенє о виправяню записнїка о роботы виберацкогo одбору.

(2) Легки гришки то:

1) кед у записнїку о роботы виберацкогo одбору не зазначене або погришно зазначене число виберачох хтори уписани до виводу зоз списку виберачох;

2) кед у записнїку о роботы виберацкогo одбору не зазначене число виберачох хтори гласали, а други резултати лоґицко-рахунково исправни;

3) кед у записнїку о роботы виберацкогo одбору зазначене число виберачох хтори гласали векше од числа уписаних виберачох до виводу зоз списку виберачох, а други резултати лоґицко-рахунково исправни;

4) кед у записнїку о роботы виберацкогo одбору не зазначене вкупне число гласацких лїсткох у гласацкей шкатули, а други резултати лоґицко-рахунково исправни;

5) кед у записніку о работи виберацкогo одбору не зазначене число важащих гласацких лісткох, а сума числа неважащих гласацких лісткох и числа гласоx хтори поєдинечно достала каждая виберанкова лістина єднака числу гласацких лісткох хтори ше находза у гласацкей шкатули.

Поступанє зоз чежкима гришками

Член 58.

(1) Кед у записніку о работи виберацкогo одбору єст чежки лoгiцкo-рaхункoвo гришки (чежки гришки), представніки виберацкогo одбору и роботного цєлa длужни при контроли записнікa о работи виберацкогo одбору окончиц и увид до виберанковогo материялу.

(2) Комисия на оснoви звиту о контроли записнікa о работи виберацкогo одбору приноши рiшенє о виправяню записнікa о работи виберацкогo одбору, рiшенє зоз хторим констатує же на одредзеним виберанковим месце не мож утвердзиц резултати гласаня або рiшенє зоз хторим поніщує гласанє на виберанковим месце по службєней длужносци.

(3) Чежки гришки то окреме:

1) кед у записніку о работи виберацкогo одбору число гласацких лісткох у гласацкей шкатули векше од числа виберачoх хтори гласали;

2) кед у записніку о работи виберацкогo одбору сума числа гласоx хтори поєдинечно достала каждая виберанкова лістина не єднака числу важащих гласацких лісткох, а сума числа неважащих гласацких лісткох и числа важащих гласацких лісткох єднака числу гласацких лісткох хтори ше находза у гласацкей шкатули;

3) кед у записніку о работи виберацкогo одбору сума числа неважащих гласацких лісткох и число гласоx хтори поєдинечно достала каждая виберанкова лістина векша од числа виберачoх хтори уписани до виводу зоз списку виберачoх;

4) кед число важащих гласацких лісткох яке зазначене у записніку о работи виберацкогo одбору не єднаке суми числа гласоx хтори поєдинечно достала каждая виберанкова лістина, а сума числа неважащих гласацких лісткох и числа гласоx хтори поєдинечно достала каждая виберанкова лістина єднака числу гласацких лісткох хтори ше находза у гласацкей шкатули;

5) кед у записніку о работи виберацкогo одбору не зазначене число неважащих гласацких лісткох, а сума числа гласоx хтори поєдинечно достала каждая виберанкова лістина єднака або менша од числа гласацких лісткох хтори ше находза у гласацкей шкатули;

6) кед число неважащих гласацких лісткох яке зазначене у записніку о работи виберацкогo одбору не єднаке розлики числа гласацких лісткох хтори ше находза у гласацкей шкатули и числа важащих гласацких лісткох, а сума числа гласоx хтори поєдинечно достала каждая виберанкова лістина єднака або менша од числа гласацких лісткох хтори ше находза у гласацкей шкатули.

Неможливість утвердження результатів голосування на виборничим місці

Член 59.

Комісія по службених дільностях приносить рішення з хторим констатує же на одредзених виборничим місці не мож утвердзиць результати голосування:

- 1) кед голосування на тим виборничим місці не отримане або кед є претаргнуте, а не предлужене є;
- 2) кед не достане записничік о роботі виборничого одбору;
- 3) кед доручени записничік о роботі виборничого одбору не подписали найменей трійо члени виборничого одбору;
- 4) кед єст чежки логічно-рахунково гришки у пополньованню записничіка о роботі виборничого одбору хтори не могло одклоніць ані после увиду до цалокупного виборничого матеріялу зоз виборничого місця.

Поніщованє голосування на виборничим місці по службених дільностях

Член 60.

Комісія по службених дільностях приносить рішення з хторим поніщує голосування на виборничим місці кед утвердзиць:

- 1) же число гласацьких лісткох у гласацькей шкатулі векше од числа виборничих хтори гласали;
- 2) же виборничі одбор оможлівел гласаць особи хтора не уписана до виводу зоз списку виборничих;
- 3) же у гласацькей шкатулі нет контрольного ліста, односно же контрольний ліст не пополнети або же го не подписал перши виборнич і голем еден член виборничого одбору;
- 4) же сума числа непахаснованих гласацьких лісткох і числа гласацьких лісткох у гласацькей шкатулі векша од числа гласацьких лісткох хтори приял виборничі одбор.

Повторйованє голосування

Член 61.

(1) Гласування на виборничим місці ше повторює кед же констатоване же на тим виборничим місці не мож утвердзиць результати голосування або кед гласування на тим виборничим місці поніщене.

(2) Рішення о запровадзованю повторного голосування на виборничим місці Комісія приносить у року од трох дньох од дня кед на веб-презентації обявене рішення з хторим констатоване же на тим виборничим місці не мож утвердзиць результати голосування, односно рішення зоз хторим гласування на тим виборничим місці поніщене.

(3) Кед процив рішення зоз хторим констатоване же на виборничим місці не мож утвердзиць результати голосування, односно рішення зоз хторим гласування на виборничим місці поніщене поднєшене правне средство, рок за приношене рішення о запровадзованю повторного голосування на тим виборничим місці рахує ше од дня кед Комісії доручена одлука по правним средству.

(4) Повторне гласанє ше запровадзує у року од дзешец дньох од дня приношеня рішення о запровадзованю повторного гласаня.

(5) Комисия менує нови виберацки одбор за запровадзованє повторного гласаня.

Результати виберанкох

Член 62.

(1) Звит зоз вкупними результатами виберанкох за кажди национални совет Комисия утвердзує и обявює у „Службеним гласніку Републики Сербії“ у року од 96 годзинох од хвильки законченя гласаня.

(2) Кед поднешене правне средство пре неправилносци под час запровадзованя гласаня на виберанковим месце и кед поднешене правне средство против рішення зоз хторим ше констатує же на виберанковим месце не мож утвердзиц результати гласаня, односно рішення зоз хторим ше понїщує гласанє на виберанковим месце, рок за утвердзованє и обявйованє звіту зоз вкупними результатами виберанкох рахує ше од дня кед Комисії доручени одлуки о шицких поднешених правних средствах.

(3) Кед ше на даєдних виберанкових месцох запровадзує повторне гласанє, рок за утвердзованє и обявйованє звіту зоз вкупними результатами виберанкох рахує ше од завераня виберанкового места на хторим найпознейше повторене гласанє, односно од дня кед Комисії доручени одлуки о шицких евентуално поднешених правних средствах у вязи зоз повторним гласаньом.

(4) Републична виберанкова комиссия на схадзки утвердзує прелиминарни результати виберанкох за шицки виберанково места хтори обробени у року од 24 годзинох од завераня виберанкових месцох.

(5) Комисия на своєй веб-презентації обявює результати гласаня за кажди национални совет по виберанкових месцох.

Обявйованє записніка о работи виберацких одборах

Член 63.

(1) Комисия на веб-презентації обявює шицки записніки о работи виберацкого одбору.

(2) Кед виправена гришка у пополньованю записніка о работи виберацкого одбору, обявює ше и рішенє о виправяню записніка о работи виберацкого одбору.

(3) Кед Комисия принесла рішенє зоз хторим констатує же на одредзеним виберанковим месце не мож утвердзиц результати гласаня або рішенє зоз хторим понїщує гласанє на виберанковим месце, на веб-презентації ше попри записніка о работи виберацкого одбору обявює и тото рішенє.

Статистични обробок податкох

Член 64.

(1) Статистични обробок податкох при запровадзованю виберанкох окончує републична організація у чий компетенції статистични роботи, на основи записніка о работи виберацких одборах.

(2) Статистични обробок податкох ше окончує при примопридаваню виберанкового материялу после гласаня медзи виберацким одбором и роботним целом и у шедзиску Комисії.

(3) Републична орґанизация у чий компетенції статистични роботи одредзує особу хтора, по законченю гласаня, будзе присутна на примопридаваню виберанкового материялу медзи виберацкими одборами и роботними целами, окончи лоґицко-рахункову контролу податкох у записнікох о роботи виберацких одборах, будзе участвовац у контроли записніка о роботи виберацкого одбору и унесе резултати гласаня зоз записніка о роботи виберацких одборах хтори у себе не маю формални недостатки до бази резултатох виберанкох.

(4) Предкладач преглашеней виберанковой лістини може Комисії приявиц особу хтора ма право присуствовац статистичному обробку податкох у Комисії и на примопридаваню виберанкового материялу после гласаня медзи виберацким одбором и роботним целом.

(5) Такой потим як ше их статистично оброби, податки о резултатох гласаня на виберанкових местох ше обявює на веб-презентації Комисії, починаючи од податкох зоз першого обробеного виберанкового места, заключно зоз обявйованьом вкупних резултатох виберанкох.

XII. НАДПАТРАЊЕ И ПРОВАДЗЕНЄ РОБОТИ ОРґАНОХ И ЦЕЛОХ ЗА ЗАПРОВАДЗОВАНЄ ВИБЕРАНКОХ

Представніки предкладачох преглашених виберанкових лістинох

Член 65.

(1) Роботу орґанох и целох за запровадзованє виберанкох можу надпатрац представніки предкладачох преглашених виберанкових лістинох.

(2) На схадзки Комисії, схадзки роботней ґрупи або схадзки роботного цела може буц присутни лєм єден представнік предкладача преглашеней виберанковой лістини.

(3) Представнік предкладача виберанковой лістини може надпатрац роботу шицких виберацких одборах на території општини/городу/городскей општини городу Беоґраду за хтору є приявени, з тим же на єдним виберанковим месце не можу источасно присуствовац двоє представніки истого предкладача виберанковой лістини.

(4) За надпатранє роботи орґана за запровадзованє виберанкох предкладач виберанковой лістини може овласциц полнолітного державяна Републики Сербії хтори не кандидат за члена национального совиту або член орґанох и целох анґажованих на запровадзованю виберанкох.

(5) Представніки предкладача преглашеней виберанковой лістини можу надпатрац роботу лєм гевтих виберацких одборах хтори запровадзую виберанки за членох национального совиту на хторих участвує предкладач преглашеней виберанковой лістини.

(6) О своїх представнікох овласчених за надпатранє роботи Комисії, предкладач преглашеней виберанковой лістини обвисцує Комисию найпознейше пейц дні пред дньом отримованя виберанкох, на формулару хтори предписує Комисия.

(7) О своїх представнікох овласцених за надпатране роботи роботних целох и виберацких одборах по општинох/городах/городских општинох городу Београду, предкладач преглашеней виберанковой лістини обвисцує Комисию найпознейше дзешец дні пред дньом отримованя виберанкох, на формулару хтори предписує Комисия.

(8) Представніком предкладача виберанковой лістини овласценим за надпатране роботи орґана за запровадзоване виберанкох Комисия видава одвитуюци акредитациї до хторих ше уписує неособни податки наведзени у обвисценю Комисии о представнікох предкладача виберанковой лістини.

(9) На час прияти обвисценя зоз пасуса 7. того члена, Комисия доручує виберацким одбором, по роботних целох.

(10) Комисия з окреимним актом предписує формулар списку овласцених особох за надпатране роботи орґанох и целох за запровадзоване виберанкох.

(11) Трошки надпатраня роботи орґана за запровадзоване виберанкох зноша предкладаче преглашених виберанкових лістинох чийо представніки надпатраю роботу орґана за запровадзоване виберанкох.

Домашні и странски припатраче

Член 66.

(1) На приявйоване домашніх и странских припатрачох на роботу орґанох и целох за запровадзоване виберанкох сходно ше применює одредби закона зоз хторим ше ушорює вибор народних посланікох о провадзеню роботи орґана за запровадзоване виберанкох.

(2) Комисия з окреимним актом предписує формулари за подношене приявох за проваджене роботи орґанох и целох за запровадзоване виберанкох.

Положенє представнікох предкладачох виберанкових лістинох и припатрачох

Член 67.

На положене представнікох предкладачох виберанкових лістинох и припатрачох сходно ше применює одредби закона зоз хторим ше ушорює вибор народних посланікох о провадзеню роботи орґана за запровадзоване виберанкох.

XIII. ЗАЩИТА ВИБЕРАНКОВОГО ПРАВА

Член 68.

На защиту виберанкового права сходно ше применює одредби о защите виберанкового права закона зоз хторим ше ушорює вибор народних посланікох, з тим же ше вимогу за поніщоване гласаня на виберанковим месце подноши Комисии.

XIV. ЗАКОНЧУЮЦИ ОДРЕДБИ

Член 69.

Формулари за запровадзоване виберанкових роботах Комисия предписує у року од пейцох дньох од дня приношеня одлуки о розписованю виберанкох.

Член 70.

З дньом ступаня на моц того упутства престава важиц Упутство за запровадзоване непоштрєдних виберанкох за членох националних совитох националних меншинох („Службени гласнік РС“, число 57/18 – пречисцени текст).

Член 71.

(1) Тото упутство ше обявює у „Службеним гласніку Републики Сербии“ и на веб-презентациї Комисии.

(2) Тото упутство ступа на моц зоз дньом обявйованя у „Службеним гласніку Републики Сербии“.

02 Число 013-1894/22

У Београду, 5. септембра 2022. року

РЕПУБЛИЧНА ВИБЕРАНКОВА КОМИСИЈА

ПРЕДСИДАТЕЉ

Владимир Димитриєвич